

DEN AMBIENTE

Pa:
Poets

CEDRIC DANDARE TA INTRODUCI SU TREMENDO C.D. JAZZ/CULTURAL "RHYTHMICAL NATURE" NA ARUBA...

** Durante siman DEN AMBIENTE a sera conoci cu un tremendo disco compacto den e estilo unico di ritmo Jazz/Cultural titula "Rhythmical Nature".

E disco compacto aki a ser produci pa e musico Cedric Dandare, kende a bin Aruba personalmente pa un solo dia, pa asina introduci su produccion unico, den cual el a bishita varios radio-emisoranan.

DEN AMBIENTE tambe tabatin e honor di a ricibi bishita di e talentoso mae-s t r o guitarista/compositor/aregli sta y productor aki.

Riba e C.D. estilo Jazz/Cultural aki, ta aparece diferente ritmonan Antiyano manera Tumba, Danza, Sehu y Waltz. Tur e ocho temanan cu ta aparece riba e disco compacto aki, a ser compone y aregla pa Cedric Dandare.

KEN TA CEDRIC DANDARE.

Cedric Dandare a nace na Corsow y ta primo di e conocido linguista Ramon Todd Dandare. Na aña 1980 Cedric a bay studia musica den Conservatorium na Rotterdam, Hulanda, na unda el a studia y gradua como guitarista di jazz.

Cedric Dandare a presenta den numeroso festivalnan di Jazz renombra manera: KLM Jazz Festival, Afro-Caribe, The Martinique Festival, The North Sea Jazz Festival na unda el a comparti escenario cu e famoso jazzistanan latino americano, Nicky Marrero y Paquito D'Rivera.

Cedric a compone e C.D. di Denise Jannah cual a resulta e C.D. ganador di e prestigioso Edison Award na Hulanda. Den varios ocasion Cedric Dandare a ser invita pa World Music pa

duna lectura di musica di jazz na diferente conservatorium na Hulanda.

INSPIRACION PA GRABA E C.D.

Ademas di a studia musica di jazz, Cedric Dandare a forma parti di diferente orquestanan, den cual el a experiencia varios tipo di musica.

E tipo di musicanan tabata asina tanto, cu na dado momento nan tur a bin culmina den su cabez como musico algo cu kier a sali. E algo cu a forma den su cabez y cu e kier a exprese, a duna Cedric e inspiracion pa



graba e C.D. aki.

Esaki tabata e momento cu Cedric a dicidi di bay graba e produccion aki, pasobra tur e experencianan cu el a pasa aden, a resulta den algo cu pa su persona tabata algo vale la pena pa trese riba e produccion.

28 MUSICO A FORMA PARTI.

Pa realiza e produccion aki no tabata algo facil pa Cedric Dandare, ya cu e mester a utiliza 28 musico pa asina trece un produccion di halto caliber y nivel internacional.

Entre e 28 musiconan tin hopi musico cu a gana diferente premionan na Hulanda. E musico Arubiano Reno Steba tambe a forma parti di e produccion. Tambe tabatin diferente musiconan Antiyano, kendenan tabata mas parti den e seccion rit-



** Cedric Dandare tambe a bishita e workshop di e dos excelente musiconan, Mariano Morales y Luis "Perico" Ortiz. Aki tambe el a sera un contacto sumamente valioso...

mico.

Tambe ta inclui un cantante di Brasil hopi conoci na Hulanda, un pianista aleman hopi conoci na Hulanda, pues ta trata di un produccion multi-cultural. **MESTER A TRAHA DURO CU MUSICONAN DI EXTERIOR.**

Cedric a delcara cu e mester a traha hopi duro cu e musiconan di exterior, pa nan por a adapta nan mes riba e ritmo di nos cultura.

Loke a hasi esaki un tiki mas facil pa Cedric, ta debi cu mientras e tabata studia na Conservatorium, el a toca cu mayoria di e musiconan aki.

Despues di hopi pasenshi y dedicacion di bishita varios biaha e musiconan aki personalmente na nan cas, door di skirbi y graba e ritmo riba cassette, el a bin logra pa e musiconan adaptanan mes pa toca nos ritmo folklore di Tumba, Sehu, Danza y Waltz na e forma corecto.

HOPI SATISFECHO.

Cedric Dandare ta hopi satisfecho cu e resultado, ya cu el a logra di pone mayoria di e musiconan di Antiyas riba e C.D. Pues bo ta haya e Tumba, Sehu, Danza y Waltz, pero tur bruha cu e

harmonia di jazz. Tambe tin diferente canto di cuatro voz, mas cuatro voz, pues un concepto total di su experimentonan.

RIBA LABEL DI SONY MUSIC.

Durante un concierto grandi na Hulanda, na unda Cedric Dandare a presenta envivo varios di e temanan aki hunto cu Paquito D'Rivera, esaki a resulta den un exito asina grandi, cu tur e corantnan mas grandi di Hulanda manera Volkskrant y Algemeen Dagblad a skirbi masha positivo tocante e produccion aki.

Na momento cu nan a didici di bay dreठा studio di grabacion, Radio Nederland Wereld Omroep a tuma esaki over den e parti di mezcla, debi cu nan ta haya esaki sumamente interesante. Ora cu Radio Wereld Omroep a bula aden, e cos a bira mas interesante te cu esaki a resulta riba e prestigioso casa disquera Sonny Label.

TA UN SOÑO REALIZA.

Cu e debut riba e mundialmente renombra label di Sony Music, esaki ta un soño realiza pa Cedric Dandare y alavez un promocion grandi pa tanto e musica caribeño como e musica

cultural di Aruba y Antiyas.

Cedric orguyosamente por bisa cu e produccion aki ya caba tin su impacto grandi na Hulanda y Sony Music tambe ta sumamente encantada cu e produccion. E optimista y speranza ta inmenso di parti di Sony Music pa loke ta trata resultado di un exito grandi pa e produccion aki riba mercado internacional.

ARUBA Y ANTIYAS A HAYA E HONOR.

E fantastico disco compacto aki oficialmente no a ser estrena na Hulanda y tampoco riba cartelanan internacional. Cedric Dandare a opta pa duna honor na Aruba y Corsow, prome cu estrene riba cartelanan internacional.

Segun DEN AMBIENTE por a compronde for di Ramon Todd Dandare, cu e lote di e C.D. aki ta ser spera den transcurso di otro siman na Aruba, mientras por disfruta di esaki via nos radio emisoranan.

Pa awe durante e programa di DEN AMBIENTE na Radio Galactica FM 99.9 entre 12'or pa 2'or, lo por disfruta di tremendo C.D. aki, na unda tambe lo tin un entrevista interesante realiza cu e super talentoso musico aki....